

*Григорий Данилов*

*Ойуурга сылдьан*

Сахам сирин айылҕатын,  
Сайынны отун-маһын  
Одуулаһа сырыттаһа  
Олус да кэрэ, сонун.

Тииттээх хатын мастарбыт  
Сэргэстэһэн үүммүттэр;  
Илии илииттэн сиэттиспит  
Убай-балыс курдуктар.

Төрдүлэрэ сыстан үүммүт  
Толуу тииттэр тураллар,  
Иккиэн бииргэ төрөөбүт  
"Игирэлэр" быһыылаахтар.

Халын сискэ үүнэн турар  
Харыйаны дьиибэргиибин:  
Ыраах сиртэн кэлэ сылдьар  
"Балдыттара" буолуо диибин.

Хахыйабы "көтөхпүт"  
Хатыны одуулаатым:  
Ийэтигэр көтөхтөрбүт  
Кыра кыһы санаатым.

Сахам сирин ойууругар  
Күүлэйдиирбин таптыбын,  
Аймахтарым ортотугар  
Сылдьарбыныны саныбын...